

JU ZAVOD ZA MEDICINU RADA I
SPORTSKU MEDICINU
ZENIČKO – DOBOJSKOG KANTONA

Broj: 4735 /23
Zenica, 11.07.2023. godine

Na osnovu člana 72. stav 3. Zakona o javnim nabavkama Bosne i Hercegovine („Službeni glasnik BiH“, broj: 39/14 i 59/22), člana 38. Pravilnika o javnim nabavkama roba, usluga i radova broj: 9922/22 od 27.12.2022. godine i člana 36. Statuta Zavoda za medicinu rada i sportsku medicinu Zeničko – dobojskog kantona, direktor donosi

ODLUKU
o izboru drugorangiranog ponuđača

Član 1.

Povodom postupka javne nabavke usluga protupožarne zaštite/kontrola aparata, edukacija i izrada elaborata, putem direktnog sporazuma koji je pokrenut Odlukom broj: 3367/23 od 17.05.2023. godine, za **usluge periodičnog ispitivanja protupožarnih aparata i ispitivanje hidranata, izabran je ponuđač „Multiteh inženjering“ d.o.o. Zenica po cijeni od 432,00 KM bez PDVa, čija je ponuda po rang listi nakon ponude ponuđača „A ELING“ d.o.o. Zenica.**

Član 2.

Poništava se Odluka o izboru najpovoljnijeg ponuđača broj: 3975/23 od 12.06.2023. godine, kojom je u postupku javne nabavke usluga protupožarne zaštite/kontrola aparata, edukacija i izrada elaborata, kao najpovoljniji ponuđač za usluge periodičnog ispitivanja protupožarnih aparata i ispitivanje hidranata, izabran je „A ELING“ d.o.o. Zenica po cijeni od 390,00 KM bez PDVa.

Član 3.

Ova Odluka objavit će se na web stranici Zavoda istovremeno s upućivanjem ponuđačima koji su učestvovali u postupku javne nabavke, shodno Zakonu o javnim nabavkama.

Član 4.

Ova Odluka stupa na snagu danom donošenja.

O b r a z l o ž e n j e

Odlukom broj: 336723 od 17.05.2023. godine, pokrenut je postupak javne nabavke usluga protupožarne zaštite/kontrola aparata, edukacija i izrada elaborata putem direktnog sporazuma za potrebe JU Zavod za medicinu rada i sportsku medicinu Zeničko - dobojskog kantona. Zahtjev za dostavu ponuda za periodično ispitivanje protupožarnih aparata i ispitivanje hidranata upućen je na 3 (tri) adrese, a na adresu Zavoda pristigle su 2 (dvije) ponude i to:

1. „A ELING“ d.o.o. Zenica
Zmaja od Bosne bb, Radna zona Zenica I, 72000 Zenica
Cijena bez PDV-a: 390,00 KM
2. „Multiteh inženjering“ d.o.o. Zenica
Ul. Envera Čerkeza br. 2, 72000 Zenica
Cijena bez PDV-a: 432,00 KM

Analizom pristiglih ponuda utvrđeno je da su ponude (1-2) blagovremene, uredne i da se uklapaju u procijenjenu vrijednost nabavke. Dalje je utvrđeno da je ponuđač „A ELING“ d.o.o. Zenica dostavio najpovoljniju ponudu i shodno tome ocijenjen je kao najpovoljniji ponuđač.

Shodno navedenom Ugovorni organ je donio Odluku o izboru najpovoljnijeg ponuđača broj: 3975/23 od 12.06.2023. godine. Dana 19.06.2023. godine Ugovorni organ je izabranom ponuđaču „A ELING“ d.o.o. Zenica uputio Narudžbu broj 113/23, a 10.07.2023. godine ponuđač „A ELING“ d.o.o. Zenica je putem maila obavijesti Ugovorni organ da zbog vanrednih okolnosti nisu u mogućnosti realizirati usluge periodičnog ispitivanja protupožarnih aparata i ispitivanje hidranata, te ne ispunjavaju uslove po rješenju Federalnog ministarstva energije i rudarstva.


Shodno odredbi člana 72. Zakona o javnim nabavkama, naprijed navedeno se smatra pismenim odustankom od dodijeljenog posla, pa Ugovorni organ ovom odlukom odjeljuje predmetni posao ponuđaču „Multiteh inženjering“ d.o.o. Zenica čija je ponuda po rang listi odmah nakon ponude najuspješnijeg ponuđača.

S obzirom na naprijed navedeno, odlučeno je kao u dispozitivu.

Pravna pouka: Protiv ove Odluke nije dozvoljena žalba.

Dostavljeno:
2 x Ponuđači
1 x Direktor
1 x a/a

Direktor



Muris dr Karić, specijalista medicine rada,
klinički toksikolog

